

👍 **DOBAR** 👎 **LOŠ** 👍 **ZAO**



👍 **AKCIJA GIBRALTAR**

Devet osoba je završilo iza rešetaka u akciji Gibraltar, koju su po nalogu Suda i Tužilaštva BiH izveli pripadnici SIPA. Oni su osumnjičeni da su počinili krivično djelo organizovanog kriminala, kojim su stekli protivpravnu imovinsku korist od pet miliona eura. SIPA je akciju izvela u međunarodnoj saradnji sa istražnim organima iz Slovenije, Hrvatske i Austrije.



👍 **JEAN CLAUDE JUNCKER**

Evropska unija dobila je svoju novu vladu na čelu sa bivšim luksemburškim premijerom Jean Claudom Junckerom, koji je na mjestu predsjednika Evropske komisije naslijedio Josea Manuela Barrosa. Prva zadaća Junckerove Evropske komisije će biti podsticanje privrednog rasta, otvaranje radnih mjesta i zaštita socijalnog modela Evropske unije.



👎 **PUTIN I POROŠENKO**

Ruski i ukrajinski predsjednici Vladimir Putin i Petro Porošenko još nisu postigli dogovor o cijeni gasa. Ukoliko on uskoro ne uslijedi, Evropa bi ovu zimu mogla provesti "okovana ledom". Ipak, optimizam ulijeva sastanak šefova energetskih sektora EU, Ukrajine i Rusije u Bruxellesu na kojem je postignut napredak vezan za plaćanje ukrajinskog duga za gas.



👍 **EMIR SPAHIĆ**

Nekadašnji kapiten nogometne reprezentacije Bosne i Hercegovine Emir Spahić vratio se poslije neugodne povrede na teren. Za Bayer je odigrao solidnih 60 minuta u utakmici Lige prvaka protiv ruskog Zenita, koji je njegov tim dobio sa 2:0. Njegov povratak je ohrabrenje uoči važne utakmice koja našu reprezentaciju očekuje 16. novembra u Izraelu.